

Lub 8 hli xyoo 2018

Lub caij nplooj ntoos hlav tas los nov, qhov kev xeeb ntawv hu ua Wisconsin Forward Exam (Forward Exam) tau muab rau txhua tus menyuam kawm ntawv nyob thoob plaws xeev Wisconsin tau xeeb soj ntsuam txog lawv qhov kev txawj ntawv xws li nram qab nov:

- Cov lus Askiv thiab kev ua lej rau cov kawm qib 3 txog qib 8,
- Kev txawj tshawb fawb rau cov kawm qib 4 thiab qib 8, thiab
- Kev paub txog tib neeg lu neej lub ntiaj teb rau cov kawm qib 4, qib 8, thiab qib 10.

Qhov xeeb hu ua Forward Exam yog tsim los soj ntsuam cov menyuam kawm ntawv saib lawv kawm tau ntawv zoo npaum li cas nyob rau xeev Wisconsin tus ciam ntsuas kev kawm. Qhov Forward Exam yog siv khoos phis tawj los ua kev xeeb thiab muaj cov lus teb rau xaiv teb cov lus nug, teb tej sob lus luv tsawv, thiab kev sau ntawv yog thaum xeeb cov lus Askiv. Kev pab cuam rau cov menyuam uas muaj qhov ua tsis taus los yog cov tseem tsis tau paub lus Askiv zoo kuj muaj nyob nrog rau cov xeeb hauv khoos phis tawj kom cov menyuam kawm ntawv xeeb tau thiab ntsuas kom tau lawv qhov kev txawj kom haum thiab yog.

Qhov xeeb hu ua Forward Exam cov qhab nia xeeb tau los ntawm tus menyuam kawm ntawv qhov kev txawj yuav ua rau kom:

- Cov menyuam kawm ntawv paub txog lawv qhov kev txawj ntawv,
- Cov kws qhia ntawv thiaj li paub qhia ntawv kom haum rau cov menyuam kawm ntawv raws li qhov lawv xav tau kev pab thiab tig rov los saib lawv qhov kev xyuum qhia ntawv,
- Cov thawj tswj saib tsev kawm ntawv thiaj li to taub txhij txhua txog qhov cov menyuam kawm ntawv paub kom muaj peev xwm tsim cov kev kawm kev cob qhia thiab paub txiav txim siab npaj rau kev cob qhia rau cov kws qhia ntawv thiab cov neeg ua haujlwm pab rau cov menyuam kawm ntawv,
- Tsev neeg to taub txog lawv tus menyuam qhov kev txawj ntawv thiab paub lus Askiv thiab paub ua lej thiab paub txog tib neeg lub neej, thiab
- Txhua tus uas muaj feem rau phab kev kawm kom paub hais tias cov menyuam kawm ntawv paub txij twg lawm thiab npaj tau txhij rau kev kawm mus txuas rau qib siab college thiab kev nrhiav tau hauj lwm ua, tshwj xeeb yog rau cov uas yav dhau los muaj keeb kwm pheej raug muab tso tuaj tom qab.

Koj tus menyuam cov qhab nia muab tshaj qhia muaj cov ntaub ntawv qhia txog qhov koj tus menyuam paub thiab txawj npaum li cas los ntawm tus xeeb hu ua Forward Exam. Nco qab ntsoov hais tias, qhov xeeb hu ua Forward Exam tsuas yog ib qho kev xeeb ntawm ntau yam uas qhia kom paub txog koj tus menyuam qhov kev kawm kev txawj ntse. Nws kuj yog ib qhov zoo rau mus xav txog ntau yam ntaub ntawv hais txog koj tus menyuam qhov kev txawj thiab kev paub ntawm lub peev xwm tus dag zog thiab kev loj hlob ntawv kev kawm. Yog koj muaj lus nug dab tsi, thov tiv tauj mus rau koj tus menyuam tus kws qhia ntawv los yog rau kuv.

Los ntawm pluaj siab dawb paug,